

03 OCT 2003

SYED HAMID-TIMOR LESTE

TIMOR LESTE HARAP MALAYSIA TERUS BANTU

KUALA LUMPUR, 3 Okt (Bernama) -- Timor Leste berharap Malaysia akan terus membantu negara itu dalam usaha-usaha pembangunannya.

Harapan ini disampaikan oleh Presidennya Xanana Gusmao pada pertemuannya dengan Timbalan Perdana Menteri Datuk Seri Abdullah Ahmad Badawi di sini hari ini, kata Menteri Luar Syed Hamid Albar kepada pemberita.

Beliau berkata Gusmao yang sedang dalam lawatan peribadi ke Malaysia telah mengambil peluang untuk menemui Abdullah bagi membincangkan isu-isu dua hala dan perkara yang berkaitan kepentingan bersama termasuk Asean.

Gusmao juga telah menyampaikan penghargaan kepada Malaysia di atas sokongannya kepada Timor Leste dan mengharapkan peningkatan kerjasama yang berterusan.

Syed Hamid berkata Malaysia amat gembira dengan hubungannya dengan Timor Leste dan akan membantu dalam apa cara yang ia mampu bagi memberi bantuan pembangunan kapasiti.

Beliau juga menjangkakan beberapa memorandum akan ditandatangani semasa lawatan Perdana Menteri Datuk Seri Dr Mahathir Mohamad ke Timor Leste mulai 22-24 Okt ini. -- BERNAMA

SHO PK SD NHD